

Platt partu:

Rundbreef 2025-09

"Kalter Hund"

Kennt ji den Koken "Kolen Hund"?
Hüüt heff ik kenen holen kunnt.
Kahlfreten weer de Koffeetheek,
'neem ik hüüt nich na Toffee keek,
nee, ik keek na "Kolen Hunn",
den ik hüüt nich holen kunn.
In'n Angelshop kannst Hoken köpen,
bruukst nich op düssen Koken höpen;
in't Bookhannel kannst Boken kriegen,
keen Bord deit sik vun Koken biegen...
Keen Middageten kook ik mehr —
heff keen Aptiet, so mook ik kehr.
To freten kriegt mien Hunnen Kohl.
As Eerste, vör all Kunnen, hol
ik mi bi'n Bäcker "Kolen Hund".
Nu heff ik't endlich holen kunnt!

Moinmoin, leve plattdütsche Maten un Frünnen!

Mit grote Verblüffen mutt ik faststelln, dat al wedder [de Sommer op sien Rest geiht](#). [För poor LÜ mag dat passen](#), man mi schient dat verdächtig fix. [Leevkoken in'n Supermarkt](#)! Kann dat angahn?? Dor stimmt doch wat nich?!?!? Ik heff dat Gefühl, dat twüschen Juli un August jichenswo en ganze Sommermaand fehlt, verloren gahn is, villicht klaut woor. En Schandaal! Ermiddelt de Udels? Un wat maakt de Politik dorgegen? Mal wedder nix! Uns dösige fule Politikere — wenn de nich foorts den klauten Sommermaand wedderbesorgt, wähl ik AfD! So! Dat hebbt se denn dorvun!

Ja, so tickt welk Minschen, man nee, nienich wöör ik de AfD wählen, keen Bang! 😊
Ok wenn [de Missmaudigen mehr warrt](#). De [Problemen un Ungerechtigkeiten vun uns Tied](#) kannst avers nich översehn, sünnlicher twüschen de Generaschonen: Op de een Siet mööt [de Jungen ungerechte Lasten dregen](#), op de anner Siet is dat en Snapsidee, [Ole to en soschalen Dwangsdeenst to verpflichten](#). De Olen, de [al so veel beleevt hebbt](#)! Ja, wi Boomere köönt noch arbeiten, wi [fulln ok in High Heels nich üm](#), wi sünd de Besten! —

Op de anner Siet hett dat Öller ok Tücken, [t.B. bi de Potenz](#). Behrend Böckmann [weet Raad un maakt sik en Spaaß](#) in en lütte Laat-Sommer-Reeg. Meike Balzer-Frauns Sommerreeg över de [Fruuns ut Brundörp geiht mit Lisa](#) wieder, de veerte vun de veer. Un Ludgerd Lüske start en korte Reeg över de [Mission, de op'n Maand späuken deit](#). Un twoors in Blaaw!

Wat bringt de Aarnmaand noch? De [Heiloh fangt to blöhn an](#), dat [Natuurnotizbook is vull Planten](#), en [Radtour geiht scheef](#), [Geld is jümmers knapp](#), un wi [lehrt, wat en echte Söhn is](#). Uns' drötige Maat Behrend Böckmann smitt en Blick op [de Geschicht vun't Reisen](#) un slütt sien korte Reeg över dat [Mudderkuurn mit de Giften](#) un [ehr grugelige Folgen](#) af. Bavento lööst he [dat Radel vun Wausau](#). (Spoileralarm: Wausau is nich de Süster vun'n Binneren Swienschund. Dat hett mit Fritz Reuter to doon.)

Wat för en randvulle Maand is düsse Aarnmaand woorn!! Villicht wieldat wi mehr frie Tied harrn? In'n September höört dat avers wedder op. Wat ik uns Websiet neegsten Maand sachs op Diät setten mutt? — 'keen weet? Kiekt Se einfach in'n Harvstmaand wedder rin! Un geneet Se bet denn, wat vun'n Sommer na is, un ok dat, wat de Harvst uns schenkt! Un bleibt se fein sund un kregel!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Dörch dat Johr: Van Sommer na Harvst](#). Versen un Vertelln vun Hans-Hermann Briesse (25.8.)

[Jan feuhert ut un sien Rad platt](#). Van Ludgerd Lüske (23.8.)

[Notizen ut'n Sneemaand](#). Fotos un Verse vun Marlou Lessing (14.8.)

[Mit Biller dör dat Johr 2025: Aarnmaand](#). Biller vun Hildegard Tölke, Verse vun Marlou Lessing (2.8.)

De Welt un Gott:

[Serotalin giff Manneskraft](#). Vun Behrend Böckmann (31.8.)

[Reisen is so wunnerschön](#). Vun Behrend Böckmann (25.8.)

[Dat Radel von Wausau un dei Pommersche Verein Central Wisconsin — orrer:](#)

[Reuter in Amerika](#). Vun Behrend Böckmann (18.8.)

[Potenzmiddel](#). Vun Behrend Böckmann (15.8.)

[Weetst d' noch...?](#) Vun Henning Anklam (9.8.)

[Hunnert Johr Föderwehr: Veer Brundörper Fruens vertellt vun fröher — Deel 5: Lisa](#). Vun Meike Balzer-Fraun (8.8.)

[De drie Söhns. Parabel vun Lew Nikolajewitsch Graf Tolstoi](#), Platt vun Klaus-Dieter Tüxen (3.8.)

[Payday](#). Vun Behrend Böckmann (2.8.)

In't Erinnern-Notizbook:

[Hooge Hacken, schädlich för de Gesundheit](#). Vun Silke Frakstein (24.8.)

Natuur un Wetenschap:

[Dei Blawe Spauk-Mission. Deil 1: Spauk up'n Maond.](#) Van Ludgerd Lüske (31.8.)

[Mudderkuurn, Deel 3: Worüm Mudderkuurn so giftig is.](#) Vun Behrend Böckmann (9.8.)

[Mudderkuurn, Deel 2: Mudderkuurnkrankheiten.](#) Vun Behrend Böckmann (3.8.)

In't [aktuelle Natuur-Notizbook:](#)

[Dree Navers.](#) Vun Marlou Lessing (31.8.)

["Franzosenkruut".](#) Vun Sibilla Frerich (28.8.)

[„Weggegangen, Platz vergangen!“](#) Vun Meike Balzer-Fraun (18.8.)

[Badegast.](#) Vun Marlou Lessing (14.8.)

Wat in de Welt vöргеiht:

[Dei Ollen.](#) Vun Behrend Böckmann (25.8.)

[Dei Missmaud wasst.](#) Vun Behrend Böckmann (15.8.)

[Dei Striet üm'e Rent.](#) Vun Behrend Böckmann (10.8.)

In't [plattdüütsche Notizbook](#) vun Marlou Lessing:

[Leven in Gefangenschap](#) (28.8.)

[Israel lehrt dorto](#) (26.8.)

[Tiedteken](#) (23.8.)

[Vertuuscht, verbiestert](#) (10.8.)

[De arme Spraak!](#) (5.8.)

För Kinner:

[Modder Sünn ehr Kinner: Dat Gröten.](#) Märken vun Sophie Reinheimer, överdragen vun Klaus-Dieter Tüxen (8.8.)

Platt to Hand:

[De Dackgeschosswahnung.](#) Vun Sibilla Frerich (24.8.)

Hartlich grööt

Marlou Lessing un dat lütte Plattpartu-Team